

中華大典



三

時令部

論述

錢東垣等輯《崇文總目輯釋·歲時類序》原敘《詩》曰：「民生在勤，勤則不匱。」故堯、舜南面而治，攷星之中，以授人時，秋成春作，教民無失。《周禮》六官亦因天地四時，分其典職。然則天時者，聖人之所重也。自夏有《小正》，周公始作《時訓》，日星氣節，七十二候，凡國家之政，生民之業，皆取則焉。孔子曰：「吾不如老圃。」至於山翁野夫耕桑、樹藝、四時之說，其可遺哉？見《歐陽文忠公集》。

陳振孫《直齋書錄解題·時令類序》前史時令之書，皆入「子部農家類」。今案諸書，上自國家典禮，下及里閭風俗悉載之，不專農事也。故《中興館閣書目》別爲一類，列之「史部」，是矣。今從之。

馬端臨《文獻通考·經籍考·時令類序》《宋中興藝文志》：「前史時令皆入子部農家類，惟《中興館閣書目》別爲一類，列之史部，以諸家之所載不專爲農事故也。今從之。凡十七家，十八部，一百九十九卷。」

焦竑《國史經籍志·時令類序》《禮》有之，《夏時》曰：「夏，四時之書也，其存者《夏小正》是已。月令雖晚出，而實古之遺法。蓋王政之施斂，民用之出藏，與夫攝養種植，隨俗嬉遊，亦可考見承平之遺風。故其書代有作者，嘗試丹青衆言，憑几以睇，四時物色，慘舒榮槁，粲然如將接之，而其宏鉅者，雖以磅礴天地，呼吸陰陽，而成歲功可也。前史類入農家，顧諸籍鱗次，非專爲農設，今特立歲時一條，從中興館閣例云。」

《四庫全書總目提要·時令類序》《堯典》首授時，舜初受命，亦先齊七政。後世推步測算，重爲專門，已別著錄。其本天道之宜，以立人事之節者，則有時令諸書。孔子考獻徵文，以《小正》爲尚存夏道，然則先王之政，茲其大綱歟。後世承流，遞有撰述，大抵農家日用、閭閻風俗爲多，與《禮經》所載小異。然民事即王政也，淺識者歧視之耳。至於選詞章，緣故實，誇多鬥靡，浸失厥初，則踵事增華，其來有漸，不獨時令一家爲然。汰除鄙倍，採摘典要，亦未始非《邇風》、《月令》之遺矣。

雜錄

錢東垣等輯《崇文總目輯釋·歲時類》共十五部，計四十二卷。
《四庫全書總目提要·時令類》右時令類二部，二十九卷，皆文淵閣實錄。右時令類十一部，一百二十卷，內一部無卷數。皆附存目。

綜述

四民月令

《隋書·經籍志·農家》《四民月令》一卷。後漢大尚書崔寔撰。
《舊唐書·經籍志·農家類》《四民月令》一卷。崔寔撰。
《新唐書·藝文志·農家類》崔寔《四民月令》一卷。
周中孚《鄭堂讀書記·時令類》《四民月令》一卷。《心齋十書》本。漢崔寔撰。國朝任兆麟編。寔字子真，一名台，字元始，涿郡安平人，官至尚書。

錦帶

陳振孫《直齋書錄解題·時令類》《錦帶》一卷。
梁元帝撰。比事儷語，若法帖中《章草》、《月儀》之類也。案：今本作《錦帶書》，題梁昭明太子蕭統撰。

荆楚歲時記

錢東垣等輯《崇文總目輯釋·歲時類》《荆楚歲時記》二卷，宗懷撰。

《新唐書·藝文志·農家類》宗懷《荆楚歲時記》一卷。
陳振孫《直齋書錄解題·時令類》《荆楚歲時記》六卷。案：唐、宋《藝文志》俱作一卷。

梁史部尚書宗懷撰，記荆楚風物故事。

馬端臨《文獻通考·經籍考·時令》《荆楚歲時記》四卷。

錢曾《讀書敏求記·時令》宗懷《荆楚歲時記》一卷。杜公瞻注。流俗本文與注混殺，此則舊本也。

荆楚歲時記

《新唐書·藝文志·農家類》杜公瞻《荆楚歲時記》二卷。

玉燭寶典

《新唐書·藝文志·農家類》杜臺卿《玉燭寶典》十二卷。

陳振孫《直齋書錄解題·時令類》《玉燭寶典》十二卷。

隋著作郎博陵杜臺卿少山撰。以《月令》為主，觸類而廣之，博采諸書，旁及時俗，月為一卷，頗號詳洽。開皇中所上。

馬端臨《文獻通考·經籍考·時令》《玉燭寶典》十二卷。

四時錄

《新唐書·藝文志·農家類》王氏《四時錄》十二卷。

千金月令

《新唐書·藝文志·農家類》《孫氏千金月令》三卷。孫思邈。

陳振孫《直齋書錄解題·時令類》《千金月令》三卷。唐孫思邈撰。
馬端臨《文獻通考·經籍考·時令》《千金月令》三卷。陳氏曰：唐孫思邈撰。

齊人月令

錢東垣等輯《崇文總目輯釋·歲時類》《齊人月令》一卷。孫思邈撰。

四時記

《新唐書·藝文志·農家類》薛登《四時記》二十卷。

乘輿月令

《新唐書·藝文志·農家類》裴澄《乘輿月令》十二卷。國子司業。貞元十一年上。

月令圖

《新唐書·藝文志·農家類》王涯《月令圖》一軸。

鄭樵《通志·圖譜略·時令》王涯《月令圖》。

保生月錄

錢東垣等輯《崇文總目輯釋·歲時類》《保生月錄》一卷。韋行規撰。

《新唐書·藝文志·農家類》韋行規《保生月錄》一卷。

陳振孫《直齋書錄解題·時令類》《草氏月錄》一卷。唐右領軍衛兵曹韋行規撰，李翱爲之序。

馬端臨《文獻通考·經籍考·時令》《保生月錄》一卷。晁氏曰：唐韋行規撰。分十二月，雜記每月攝養、種藝、祈禳之術。李翱爲之序。

金谷園記

錢東垣等輯《崇文總目輯釋·歲時類》《金谷園記》一卷。李邕撰。

陳振孫《直齋書錄解題·時令類》《金谷園記》一卷。題李邕撰，《館閣書目》云唐中散大夫。按邕字泰和，江都人，至北海太守，世號李北海。其父善，注《文選》者也。中散大夫，唐文散階，本傳不載，不知《書目》別何所據？唐世不應有兩李邕也。

馬端臨《文獻通考·經籍考·時令》《金谷園記》一卷。

秦中歲時記

錢東垣等輯《崇文總目輯釋·歲時類》《秦中歲時記》一卷。李綽撰。繹按

《宋志》注云一名《成鎬記》。

《新唐書·藝文志·農家類》李綽《秦中歲時記》一卷。

陳振孫《直齋書錄解題·時令類》《秦中歲時記》一卷。唐膳部郎中趙郡李綽撰。綽別未見，此據《中興書目》云爾。

馬端臨《文獻通考·經籍考·時令》《秦中歲時記》一卷。

四時錄

錢東垣等輯《崇文總目輯釋·歲時類》《四時錄》四卷。原釋闕。見天一閣

鈔本。

時鑒新書

錢東垣等輯《崇文總目輯釋·歲時類》《時鑒新書》五卷。劉安靖撰。

咸鎬故事

晁公武《郡齋讀書志·儀注類》《咸鎬故事》一卷。袁本後志卷一儀注類第一。右唐韋慎微撰。纂長安自元日至除夕朝廷慶賀事。

陳振孫《直齋書錄解題·時令類》《咸鎬故事》一卷。唐韋慎微撰。其書與前大同小異，竟不知何人作也。卷末卻有鬼神大者號儼公母一語。

馬端臨《文獻通考·經籍考·時令》《咸鎬故事》一卷。

輦下歲時記

馬端臨《文獻通考·經籍考·時令》《輦下歲時記》一卷。

歲華紀麗

錢東垣等輯《崇文總目輯釋·歲時類》《歲華紀麗》二卷。韓鄂撰。

《新唐書·藝文志·農家類》《歲華紀麗》二卷。

陳振孫《直齋書錄解題·時令類》《歲華紀麗》七卷。案：《唐書·藝文志》作二卷，《宋史·藝文志》作四卷。唐韓鄂撰。采經、子、史傳，歲時事類，聚而以儷語問之。

馬端臨《文獻通考·經籍考·時令》《歲華紀麗》四卷。晁氏曰：唐韓鄂撰。分四時十二月節，序以事實，爲偶儷之句附著之。

范邦甸等《天一閣書目·時令類》《歲華紀麗》七卷。烏絲闌絲紙鈔本。唐昌黎韓鄂撰。

錢曾《讀書敏求記·時令》韓謬《歲華紀麗》七卷。此是舊鈔，卷終闕字數行，又失去末葉，無從補入。後見章丘李中麓藏宋刻本，脫落正同，知是此本之祖。蓋因歲久，塵敝紙渝，字跡不可捫揣，故鈔本仍之耳。

四時纂要

錢東垣等輯《崇文總目輯釋·歲時類》《四時纂要》五卷。韓鄂撰。
《新唐書·藝文志·農家類》韓鄂《四時纂要》五卷。

國朝時令

錢東垣等輯《崇文總目輯釋·歲時類》《國朝時令》一卷。賈昌朝撰。陳詩庭云：《讀書後志》、《通攷》並作十二卷，蓋益以昌朝注也。

陳振孫《直齋書錄解題·時令類》《國朝時令集解》十二卷。左僕射真定賈昌朝子明撰。

馬端臨《文獻通考·經籍考·時令》《國朝時令》十二卷。

歲時雜詠

馬端臨《文獻通考·經籍考·時令》《歲時雜詠》。宣獻公宋庠及其孫剛叔撰。
范邦甸等《天一閣書目·時令類》《古今歲時雜詠》四十六卷。紅絲闌鈔本。

每卷首有古司馬氏圖章。

續歲時雜詠

馬端臨《文獻通考·經籍考·時令》《續歲時雜詠》。

四序總要

錢東垣等輯《崇文總目輯釋·歲時類》《四序總要》十二卷。

周書月令

錢東垣等輯《崇文總目輯釋·歲時類》《周書月令》一卷。〔原釋〕闕。見天一閣鈔本。

月令小疏

錢東垣等輯《崇文總目輯釋·歲時類》《月令小疏》二卷。〔原釋〕闕。見天一閣鈔本。

十二月纂要

錢東垣等輯《崇文總目輯釋·歲時類》《十二月纂要》一卷。《宋志注》不知作者。

歲時雜記

陳振孫《直齋書錄解題·時令類》《歲時雜記》二卷。侍講東萊呂希哲原明撰。希哲，正獻公公著之子，號榮陽公。在歷陽時與子孫講誦，遇節日則休，學者雜記風俗之舊，然後團坐飲酒以爲樂，久而成編。承平舊事，猶有攷焉。

馬端臨《文獻通考·經籍考·時令》《歲時雜記》二卷。

夏小正傳

陳振孫《直齋書錄解題·時令類》《夏小正傳》四卷。

漢戴德傳，給事中山陰傅崧卿注。

馬端臨《文獻通考·經籍考·時令》《夏小正傳》四卷。

錢曾《讀書敏求記·時令》《夏小正戴氏傳》四卷。《夏小正》，《大戴禮》之篇名也。政和中，山陰傅崧卿從其外兄關澹得之。關本合傳爲一卷，不著作傳人名氏。崧卿倣《左氏春秋》列正文于前，而附以傳月爲一篇，凡十有二篇，釐爲四卷，重刊于至大元年。

歲時廣記

范邦甸等《天一閣書目·時令類》《歲時廣記》四十一卷。烏絲闌鈔本。宋廣寒仙裔陳元靚撰。道山居士有序。新安朱鑑序云：「南穎陳君嘗編《博聞三錄》，盛行於世。此書該而不冗，雅而不俚，自當並傳」云。

倪燦等《宋史藝文志補·時令類》陳元靚《歲時廣記》四卷。

錢曾《讀書敏求記·時令》陳元靚《歲時廣記》四卷。首列圖說，分四時爲四卷。諸書之有涉于節序者，搜討殆徧，亦可入之小類家。元靚，南宋人，自稱廣寒仙裔。朱鑑、劉純爲之序。

養生月覽

高儒《百川書志·時令》《養生月覽》二卷。南宋榕菴周守忠，編次諸書逐月養生宜忌之事五百一十七條。

倪燦等《宋史藝文志補·時令類》周守忠《養生月覽》二卷。

正朔考

周中孚《鄭堂讀書記補逸》卷一〇《正朔考》一卷。《說郛》本。宋魏了翁撰。

續編年月集要

范邦甸等《天一閣書目·時令類》《續編年月集要》二冊。刊本。○宋延祐庚申文江王元福撰并序。

歲華紀麗譜

嵇璜等《續通志·圖譜略·記有·歲時》元費著《歲華紀麗譜》。

歲華記麗補

錢曾《讀書敏求記·時令》費著《歲華記麗補》一卷。費著，元人。記成都歲時嬉遊之盛。予得之于癸巳老人，命侍史重錄之。

四時氣候集解

高儒《百川書志·時令》《四時氣候集解》四卷。皇朝進士河南李泰通叔集解，引用諸說甚詳。

范邦甸等《天一閣書目·時令類》《四時氣候集解》四卷。刊本。明李某撰。

《四庫全書總目提要·時令類》《四時氣候集解》四卷。江西巡撫採進本。明李泰撰。泰字淑通，鹿邑人，洪武丁丑進士。

運化玄樞

高儒《百川書志·時令》《運化玄樞》五卷。皇朝臞仙編。

錢曾《讀書敏求記·時令》臞仙《運化玄樞》一卷。

四時宜忌

《四庫全書總目提要·時令類》《四時宜忌》一卷。編修程晉芳家藏本。明瞿

佑撰。佑字宗吉，錢塘人。洪武初官國子助教。永樂間，官周王府右長史，謫戍保安，洪熙初赦還。此書記十二月所宜、所忌，歷引《孝經緯》、《荆楚歲時記》、《玉燭寶典》，而兼及於《濟世仁術》、《法天生意》、《指月錄》、《白雲雜忌》諸書，甚至道家符錄，亦皆載入，徵引雖博，究不免傷於蕪雜也。

四時氣候

錢曾《讀書敏求記·時令》李泰《四時氣候》四卷。書成于洪熙乙巳，刊于景泰乙亥，視前人訓釋《月令》，頗加詳焉。

月令通纂

高儒《百川書志·時令》《月令通纂》四卷。皇朝翰林學士金城黃諫纂。取《禮記·月令》、《尚書》「堯命羲和」之辭，分載時月之首，刪取《養生月覽》、《農桑撮要》及方藥依時修為者，逐月載之。

七十二候

高儒《百川書志·時令》《七十二候》一卷。候下有註，不知作者。

月令通考

《四庫全書總目提要·時令類》《月令通考》十六卷。內府藏本。明盧翰撰。翰有《易經中說》，已著錄。此書以一歲十二月，每月雜採故事，兼及流俗舊聞。

歲時節氣集解

范邦甸等《天一閣書目·時令類》《歲時節氣集解》一卷。刊本。明四明洪常撰。正德癸酉男憲識。

月令廣義

《四庫全書總目提要·時令類》《月令廣義》二十五卷。直隸總督採進本。明馮應京撰，戴任續成之。應京有《六家詩名物疏》，已著錄。任始末未詳，惟卷端有

二私印，一曰「肩吾父」，一曰「新安布衣」而已。

日涉編

范邦甸等《天一閣書目·時令類》《日涉編》十五卷。刊本。明應城陳堦撰，弟坤校。其書雜采故實詩歌，按時令編次，每一月爲一卷。先叙月令節候，而二十日以次列之，皆以故實居前，詩歌居後。凡例十條，有自序。

《四庫全書總目提要·時令類》《日涉編》十二卷。內府藏本。明陳堦撰。堦字升也，應城人。是書雜採故實詩歌，按時令編次。

節宣輯

《四庫全書總目提要·時令類》《節宣輯》四卷。內府藏本。明上洛王朝暭撰。朝暭，周定王櫛七世孫。成化三年，櫛曾孫同錄始分封上洛，萬曆三十二年，朝暭襲封。其書專記時令，多襲舊文。

養餘月令

《四庫全書總目提要·時令類》《養餘月令》二十九卷。浙江巡撫採進本。明戴義撰。義字馭長，里貫未詳，崇禎中官光祿寺典簿。其書分紀歲序，而附以蠶、魚、竹、牡丹、芍藥、蘭、菊諸譜，鈔撮舊籍，無所發明。

廣月令

《四庫全書總目提要·時令類》《廣月令》三卷，《後集》二卷。安徽巡撫採進本。明王勳撰。

古今類傳歲時部

《四庫全書總目提要·時令類》《古今類傳歲時部》四卷。浙江巡撫採進本。國朝董穀士、董炳文同編。穀士字農山，炳文字霞山，烏程人。

周中孚《鄭堂讀書記補逸》卷一〇《古今類傳歲時部》四卷。未學齋刊本。國朝董穀士、董炳文同編。穀士，字農山，烏程人。炳文，字霞山，其弟也。

月令輯要

《四庫全書總目提要·時令類》《御定月令輯要》二十四卷，《圖說》一卷。康熙五十四年聖祖仁皇帝御定。

節序同風錄

《四庫全書總目提要·時令類》《節序同風錄》。無卷數。衍聖公孔昭煥家藏本。國朝孔尚任撰。

時令彙紀

《四庫全書總目提要·時令類》《時令彙紀》十六卷，《餘日事文》四卷。兩淮馬裕家藏本。國朝朱濂編。濂，爵里未詳。是編所採皆四時十二月事實、詩賦，全用《藝文類聚》之體。復以是書但分節候，而無日次，故更作《餘日事文》四卷。

月令粹編

周中孚《鄭堂讀書記·時令類》《月令粹編》二十四卷。琳瑯仙館刊本。國朝秦嘉謨撰。嘉謨號味芸，江都人。

地理部

論述

《隋書·經籍志·地理序》

昔者先王之化民也，以五方土地，風氣所生，剛柔輕重，飲食衣服，各有其性，不可遷變。是故疆理天下，物其土宜，知其利害，達其志而通其欲，齊其政而修其教。故曰廣谷大川異制，人居其間異俗。《書》錄禹別九州，定其山川，分其圻界，條其物產，辨其貢賦，斯之謂也。周則夏官司險，掌建九州之圖，周知山林川澤之阻，達其道路。地官誦訓，掌方志以詔觀事，以知地俗。春官保章，以星土辨九州之地，所封之域，以觀祿祥。夏官職方，掌天下之圖地，辨四夷、八蠻、九貉、五狄之人，與其財用九穀、六畜之數，周知利害，辨九州之國，使同其貫。司徒掌邦之土地之圖，與其人民之教，以佐王授邦國，周知九州之域，廣輪之數，辨其山林、川澤、丘陵、墳衍、原隰之名物，及土會之法。然則其事分在衆職，而冢宰掌建邦之六典，實總其事。太史以典逆冢宰之治，其書蓋亦總爲史官之職。漢初，蕭何得秦圖書，故知天下要害。後又得《山海經》，相傳以爲夏禹所記。武帝時，計書既上太史，郡國地志，固亦在焉。而史遷所記，但述《河渠》而已。其後劉向略言地域，丞相張禹使屬朱貢條記風俗，班固因之作《地理志》。其州郡縣山川夷險，時俗之異，經星之分，風氣所生，區域之廣，戶口之數，各有攸叙，與古《禹貢》、《周官》所記相埒。是後載筆之士，管窺末學，不能及遠，但記州郡之名而已。晉世，摯虞依《禹貢》、《周官》，作《畿服經》，其州郡及縣分野略事業，國邑山陵水泉，鄉亭城道里土田，民物風俗，先賢舊好，靡不具悉，凡一百七十卷，今亡。而學者因其經歷，並有記載，然不能成一家之體。齊時，陸澄聚一百六十家之說，依其前後遠近，編而爲部，謂之《地理書》。任昉又增陸澄之書八十四家，謂之《地記》。陳時，顧野王抄撰衆家之言，作《輿地志》。隋大業中，普詔天下諸郡，條其風俗、物產、地圖，上于尚書。故隋代有《諸郡物產土俗記》一百五十一卷，《區宇圖志》一百二十九卷，《諸州圖經集》一百卷。其餘記注甚衆。今任、陸二家所記之內而又別行者，各錄在其書之上，自餘次之於下，以備地理之記焉。

錢東垣等輯《崇文總目輯釋·地理類序》

原叙：昔禹去水害，定民居，而別

九州之名，記之《禹貢》。及周之興，畫爲九畿，而宅其中，內建五等之封，外撫四荒之表，《職方》之述備矣。及其衰也，諸侯並爭，并吞削奪。秦漢以來，郡國州縣，廢興治亂，割裂分屬，更易不常。至於日月所照，要荒附叛，山川風俗，五方不同。行師用兵，順民施政，攷於圖牒，可以覽焉。見歐陽文忠公集。

焦竑《國史經籍志·地理類序》

古郡國計書上於蘭臺，蓋地志之屬，往往在焉。《尚書》九州之志謂之九邱。邱，聚也。言九州所有皆聚此書也。《周官》別山川，分圻界，條物產，辨貢賦，六卿分掌之，而總於冢宰。太史以典逆冢宰，治其書，蓋昔之史職如此。漢承百王之末，壤地變改，劉向始略言其分域，丞相張禹使屬穎川朱贛條其風俗而宣究之，後世地志之濫觴也。摯虞《畿服經》至百七十卷，可謂備矣，而世罕傳。後人因其所經，自爲纂述，即未必成一家之體，而夷險之跡，區域之界，土風之宜，星經之分，考覽者率有資焉，悉次左方，以補圖經之闕。

《四庫全書總目提要·地理類序》

地理類一 古之地志，載方域、山川、風俗、物產而已，其書今不可見，然《禹貢》、《周禮·職方氏》，其大較矣。《元和郡縣志》頗涉古蹟，蓋用《山海經》例。《太平寰宇記》增以人物，又偶及藝文，於是爲州縣志書之濫觴。元明以後，體例相沿。列傳侔乎家牒，藝文溢於總集，未大於本，而輿圖反若附錄。其間假借夸飾，以侈風土者，抑又甚焉。王士禛稱《漢中府志》載木牛流馬法，《武功縣志》載織錦璇璣圖，此文士愛博之談，非古法也。然踵事增華，勢難遽返，今惟去泰去甚，擇尤雅者錄之。凡無濫之編，皆斥而存目。其編類首宮殿疏，尊宸居也；次總志，大一統也；次都會郡縣，辨方域也；次河防，次邊防，崇實用也；次山川，次古蹟，次雜記，次遊記，備考核也；次外紀，廣見聞也。若夫《山海經》、《十洲記》之屬，體雜小說，則各從其本類，茲不錄焉。

耿文光《萬卷精華樓藏書記·地理類》

右地理類。

三代秦漢之專志久佚不傳，載於《周禮》、《班史》者，其大略也。唐志存者寥寥無幾，間有殘闕，亦無從考補。宋志詳於南方，其佳者皆有所依據，蓋當時舊本猶存，故得以奉爲圭臬也。其踵事增華，承源衍流，《太平寰宇記》即今志之祖本。明關中人善修志，以有數書在前故也。其夸飾士風，標榜鄉賢，雖明志之陋習，而名作亦有所不免。我國家肇造區夏，統括寰瀛，四方大共和會，百產益以蕃昌。乾隆八年，詔修《大清一統志》，補前朝輿地之遺，正曆代史書之誤，蓋其盛爲自古所未有，故是編亦自古所未聞，誠總志之極軌也。省志初纂之本，略具厓岸，而訂訛補漏，視明爲優。其續修之本，愈後愈勝，或久於歲月，或出自名手，體例既允，考証尤

確。光嘗合新、舊志互觀之，因詳知略，因密見疏，於此中得益不少也。方今治化昌明，羣賢輩出，地理且有專家，如顧如錢，如戴如洪，其昭昭者也。凡所著述，皆足垂法。惟府州縣志，纂次非人，則無難殊甚。其人物，百不能識一也，其藝文，十不能取一也。然以晉志論，人物雖繁，有遍考而不得者，如「河汾諸老」是也；藝文雖濫，有瞥見而可喜者，如《絳守園池記注》是也。以此推彼，他方皆然矣。好古者無論精粗，廣爲蒐羅，苟得十一於千百，則所資於考証者不少也。況乎名山可以卧遊，斷碑可以稽古，所謂不出戶庭，而周知天下者，此學是也。若夫秉筆修志，大體宜知沿革居首，因前以統後也；而以星野爲始者，非是也。藝文殿末，以後而証前也；而以文體備數者，非是也。其中有官事焉，有民事焉，有守土之鑑焉，有居鄉之鑑焉。邊防通於兵，水利通於農，兵、農具修，通於政典；山、川兼考，通於故實。紀載通於傳記，談論通於說部，歲時通於月令，物產通於《倉》《雅》，苟非積學功深，知周識遠，佐以考証之文，裁以簡雅之筆，未易肩斯任也。平日之聞見不孤，臨時之舉動自適，若繙閱數本，依例爲之，雖差強人意，究非根柢之學也。謹案：《四庫全書總目·地理類》凡分十目，總以六綱。首尊宸居，宮殿之屬；次大一統，總志之屬；次辨方域，都會郡縣之屬；次崇實用，河防、邊防之屬；次備攷核，山川、古蹟、雜記、遊記之屬；次廣見聞，外紀之屬。今所錄者，凡八十五家，擇其尤雅者登之，分爲八卷。古志自周至明，爲四卷。上卷則最古之志與總志、郡縣各志也。今志官本爲二卷，私家名作爲二卷。其山川、古蹟、雜記之屬，皆列下卷，而亦無甚區別，惟以外紀終焉。有志於地理之學者，可以觀其大略矣。昌黎韓文公曰：「土地之書，未嘗一得其門戶，且謂古之人未有」通此而爲大賢君子者，方欲退而往學焉。此學之重可知矣。

雜錄

《隋書·經籍志·地理》 右一百三十九部，一千四百三十二卷。通計亡書，合一百四十部，一千四百三十四卷。

《舊唐書·經籍志·地理》 右地理九十三部，凡一千七百八十二卷。

錢東垣等輯《崇文總目輯釋·地理類》 共八十三部，計六百四十七卷。繹

按《玉海》引此，「六百」作「八百」，誤。云：「始于《山海經》，終於《雲南風俗記》。

《新唐書·藝文志·地理類》 右地理類六十三家，一百六部，一千二百九十

二卷。失姓名三十一家，李播以下不著錄五十三家，九百八十九卷。

鄭樵《通志·藝文略·地理·地理》 右地理。六十四部，二千二百七十五卷。

鄭樵《通志·藝文略·地理·地理》 凡地里十種，四百五十部，五千一百四十卷。

《宋史·藝文志·地理類》 右地理類四百七部，五千一百九十六卷。

倪燦等《宋史藝文志補·地理類》 右地理類二十六家，一千八十二卷。

倪燦等《補遼金元藝文志·地理類》 右地理類六十九家，一千四百五十

五卷。

《明史·藝文志·地理類》 右地理類四百七十一部，七千四百九十八卷。

《四庫全書總目提要·地理類一》 案《太平御覽》所引有《漢宮殿疏》，劉知幾《史

通》所引有《晉宮闕名》，皆自爲記載，不與地志相雜。今別立子目，冠於地理類之首。

馬國翰《玉函山房藏書簿錄·史編·地理類》 右地理類二百零三部，共三

千四百八十四卷。

宋祖駿《補五代史藝文志·地理類》 右輿地類共二百七卷。

張之洞《書目答問·地理》 右地理類。山志遊記，如《說嵩》、《岱覽》之屬，今日通

行有版本者。凡數十種，以非切要，不錄。雜地志。如《桂勝》、《梵寶》、《晉乘蒐略》之屬，止關

一方，又非古籍，不錄。

又 地理第十。今人地理之學，詳博可據。前代地理書，特以考經文史事及沿革耳。

若爲經世之用，斷須讀今人書，愈後出者愈要。

丁國鈞《補晉書藝文志·地理類》 右地理類存四十四家，失名八家六十

七部。

姚振宗《後漢藝文志·地理類》 右地理類，凡四門，綜二十部。

姚振宗《三國藝文志·地理類》 右地理類，凡四門，綜二十六家，二十八部。

侯《志》有《水經》，已錄入《漢藝文志拾遺》，或謂三國時人撰，終無顯證，今不錄。又萬震《巴蜀

異物志》因汪師韓《文選注引羣書目錄》之誤，已詳萬氏《南州異物志》條下，今并刪除。

姚振宗《隋書經籍志考證·地理類》 右一百三十九部，一千四百三十二卷，

通計亡書合一百四十部，一千四百三十四卷。案：此則原本尚有亡書一部，二卷，今不

見已傳寫失之矣。著錄部數不誤。

案：《七錄》序目記傳錄第十曰：「土地部七十三種，一百七十一帙，八百六十

九卷。本志增著六十七種，梁後新出者爲多焉。

又無名氏《廬山南陵雲精舍記》一卷，《司州記》二卷，《并帖省置諸郡舊事》

一卷，《巴蜀記》一卷，《元康六年戶口簿記》三卷，《元嘉六年地記》三卷，《九州郡縣名》九卷，《京師錄》七卷，《後園記》一卷，《古來國名》二卷，《水飾圖》二十卷，《甌閩傳》一卷，《男女國傳》一卷，《古今地譜》二卷，《齊州圖經》一卷，《幽州圖經》二卷，《朝觀記》六卷，《代都略記》三卷，《州郡縣簿》七卷，《大隋翻經婆羅門法師外國傳》五卷，《西域道里記》一卷，《諸蕃圖記》十七卷，《并州總管內諸州圖》一卷，黃閔《神壤記》一卷，任昉撰《地理書鈔》九卷，劉瑒《京師寺塔記》十卷，釋曇景《京師寺塔記》二卷，又《外國傳》五卷，《慧生行傳》一卷，閻先生《閩象傳》二卷，虞孝敬《廣梁南徐州記》九卷，李諧《行記》一卷，劉師知《聘遊記》三卷，諸葛穎《北伐記》七卷，蔡允恭《并州入朝道里記》一卷，釋僧祐《世界記》五卷，凡三十六部，章氏考證皆遺之。又此在本志爲史部第十一類，章氏乃次于起居注類，後改爲第六類。

吳士鑒《補晉書經籍志·地理類》 右地理類六十四家，失姓名十二家。

沈家本《三國志注所引書目·地理》 以《土》上地理四部。

沈家本《世說注所引書目·地理》 以上地理二十家。

沈家本《續漢書志注所引書目·地理》 以上地理三十八家。

總志分部

禹所受地說書

汪師韓《文選注引群書目錄上·地理》 《禹所受地說書》。

周公城名錄

鄭樵《通志·藝文略·地理·地理》 《周公城名錄》一卷。

史總部·地理部·總志分部

應劭十三州記

姚振宗《後漢藝文志·地理類·宮殿都會總志》 應劭《十三州記》劭始末具正史類。章宗源《隋志考證》曰：《水經·淄水注》：「泰山萊蕪縣，魯之萊柞邑。」《泗水注》：「漆鄉，邾邑也。」並引應劭《十三州記》。侯《志》曰：《水經·泗水、淄水注》並引之，《夏水注》引云：「江別入沔，爲夏水源。」

風俗通

李昉《太平御覽經史圖書綱目》 應劭《風俗通》。

地理風俗記

姚振宗《後漢藝文志·地理類·宮殿都會總志》 應劭《地理風俗記》。章宗源《隋志考證》曰：《水經·河水注、溫水注》、《御覽·香部》、《太平寰宇記·河北道》並引應劭《地理風俗記》。侯《志》曰：應劭《地理風俗記》、《水經注》屢引之。

按：應仲遠此兩書雖不傳，其體制略可想見。《十三州記》如班書《地理志》，《風俗記》如班氏志郡國。以後繫以分野、風俗，兩書當合爲一編，其即《續漢書》所謂十一種，百三十六篇之一歟。《水經·淮水注》、《御覽·州郡部》劍南道益州亦引之。

後漢輿地記

李昉《太平御覽經史圖書綱目》 《後漢輿地記》。

續漢書郡國志

李昉《太平御覽經史圖書綱目》《續漢書郡國志》。

地理記

姚振宗《三國藝文志·地理類·總志郡縣》張晏《地理記》。晏始末具正史類。《爾雅·釋鳥》郭璞注「鳥鼠同穴」：「鼠在內，鳥在外。今在隴西首陽縣鳥鼠同穴山中」。孔氏《尚書傳》云：「共為雄雌」，張氏《地理記》云：「不為牝牡」。《水經》：「《禹貢》山水澤地所在。鳥鼠同穴山在隴西首陽縣西南。」酈道元注：「張晏言不相為牝牡，故因以名山。」洪亮吉《曉讀書齋初錄》曰：張晏《漢書注》于地理最詳，郭璞注《爾雅》，引張氏《地理記》云云，《水經注》即作張晏，是張晏所著又有《地理記》，惜不傳。

皇甫謐地書

文廷式《補晉書藝文志·地志類》皇甫謐《地書》。《北史·崔廓傳》子蹟，大業四年從駕往太山，詔問蹟何處有羊腸坂。蹟曰：臣按皇甫士安《地書》，太原北九十里有羊腸坂。

皇甫謐國都城記

秦榮光《補晉書藝文志·地理類·總志》《國都城記》。据《初學記·地部》引。皇甫謐撰。

郡國記

秦榮光《補晉書藝文志·地理類·總志》《郡國記》。据《太平寰宇記》卷百五十三引。皇甫謐撰。

春秋土地名

《隋書·經籍志·地理》《春秋土地名》三卷。晉裴秀客京相璠撰。

土地記

文廷式《補晉書藝文志·地志類》張氏《土地記》。郭璞注《山海經·海內南經》引之。

畿服經

文廷式《補晉書藝文志·地志類》摯虞《畿服經》一百七十卷。《隋志》云：摯虞依《禹貢》《周官》作《畿服經》，其州郡及縣分野、封略、事業、國邑、山陵、水泉、鄉亭、城郭、道里、土田、民物、風俗、先賢、舊好，疑是舊姓之誤。靡不具悉，凡一百七十卷。

太康三年地記

《新唐書·經籍志·地理類》《地記》五卷。太康三年撰。

鄭樵《通志·藝文略·地理·地理》《太康三年地記》六卷。

文廷式《補晉書藝文志·地志類》《太康三年地記》五卷。見《舊唐志》。《新唐志》：六卷。《宋書·州郡志》：「始寧《晉太康三年地志》有。」《魏志·陳羣傳注》云：「案《晉太康三年地記》，晉戶有三百三十七萬。」《吳志·孫皓傳》注：「《太康三年地記》曰：吳有太初宮，方三百丈，權所起也。昭明宮，方五百丈，皓所作也。餘書多引作《太康地記》，或作《太康地志》，近人畢沅有輯本。」

太康州郡縣名

《舊唐書·經籍志·地理》《州郡縣名》五卷。太康三年撰。

《新唐書·藝文志·地理類》《太康州郡縣名》五卷。

鄭樵《通志·藝文略·地理·地理》《太康州郡縣名》三卷。

文廷式《補晉書藝文志·地志類》《太康三年州郡縣名》五卷。

晉太康地記

章宗源《隋書經籍志考證·地理》《太康地記》。卷亡。不著錄。

今有輯本，亦從《續漢志》諸書抄撮爲之。

晉太康土地記

《新唐書·藝文志·地理類》《晉太康土地記》十卷。

鄭樵《通志·藝文略·地理·地理》《晉太康土地記》十卷。

太康地道記

沈家本《續漢書志注所引書目·地理》《晉太康地道記》。《百官》三。詳一編。

太康郡國志

文廷式《補晉書藝文志·地志類》《太康郡國志》。《通典》卷五十四引《太康郡國志》三條，載秦漢事甚詳，與《太康地記》當別是一書。

元康三年地記

《隋書·經籍志·地理》《元康三年地記》六卷。

李昉《太平御覽經史圖書綱目》晉《元康地記》。

章宗源《隋書經籍志考證·地理》《元康三年地記》六卷。《續漢·郡國志注》：「雒陽城、王城、蒗鄉、營城、坎陷聚、汲、銅關、安邑、梁城、堯城等，並引《晉元康地道記》。《文選·謝靈運斤竹澗詩注》：「猿與獼猴不共山宿，臨旦相呼。」《藝文類聚·地部》：「荊州古蠻服地，秦滅楚，置郡縣，漢武分爲交州，至魏晉而荊州所部郡國三十。」並稱《元康地記》。元康，惠帝年號，與《太康地記》自各爲一書。《續漢志注》所引稱元康者甚多，固非太康之訛。又《隋志》有《元康六年戶口簿記》。

元康六年戶口簿記

《隋書·經籍志·地理》《元康六年戶口簿記》三卷。

鄭樵《通志·藝文略·地理·地理》《元康六年戶口簿記》三卷。

文廷式《補晉書藝文志·地志類》《元康六年戶口簿記》三卷。《宋書·州郡志》云，以太康元康定戶。

晉地記

丁國鈞《補晉書藝文志·地理類》《晉地記》。謹按見《宋書·州郡志》。家大人曰：凡《太康地志》，宋志往往稱《太康地記》，其稱《晉地記》者凡四見。蓋又是一書，非《太康志》，亦非王隱《晉書》中《地道記》也，故別著於錄。

九州志

章宗源《隋書經籍志考證·地理》《九州記》。卷亡。樂資撰。不著錄。《水經·沔水注》：鹽官縣有秦延山，秦始皇逕此，美人死，葬於山上，下有美人廟。此引樂資《九州志》。《江水注》：鄂，今武昌也。《史記·外戚世家集解》同引。稱《九州記》。《太平御覽》、《寰宇記》多引《九州要記》。

海東記

文廷式《補晉書藝文志·地志類》裴淵《海東記》。《北堂書鈔》一百三十六裴淵《海東記》曰：俚獠貴銅，鑄銅大鼓。東海豪富子女以金銀爲大釵，執以叩銅鼓，叩竟留遺主人，號之曰：銅鼓釵。《御覽》十八引此作《廣州記》，今仍據《書鈔》分列其目。《書鈔》七十九、一百五十七又引裴淵《南海記》。

永寧地志

文廷式《補晉書藝文志·地志類》《永寧地志》。《宋書·州郡志》董覽《吳地誌》云：「晉分永世。」《太康》、《永寧地誌》並無，疑是江左立。

九州郡縣名

《隋書·經籍志·地理》《九州郡縣名》九卷。
鄭樵《通志·藝文略·地理》《九州郡縣名》九卷。

九州要記

鄭樵《通志·藝文略·地理》《九州要記》四卷。

晉地道記

李昉《太平御覽經史圖書綱目》《晉地道記》。
周中孚《鄭堂讀書記補逸·地理類一·總志》《晉書地道記》一卷。經訓堂叢書本。

張之洞《書目答問·地理·古地志》王隱《晉書地道記》一卷。畢沅輯。經訓堂本。

地道記

李昉《太平御覽經史圖書綱目》《地道記》。

九州記

文廷式《補晉書藝文志·地志類》荀綽《九州記》。案《魏志·袁煥傳注》：煥子準，荀綽《九州記》稱準有雋才。核以羣書，所引實《兗州記》之文，疑晉、宋時